摘藻堂四庫全

書薈

要 经 部

葵彼蕭斯零露滑息 分既見君子我心寫分燕笑 欽定四庫全書舊要卷八百八十一經部 蓼:蕭澤及四海也 斯零露濃濃既見君子俸徒事中沖五了和聽雅 見君子孔無宣風在弟惟宜兄宜弟令德壽豈刻彼蕭 為光其德不與壽考不忘葵彼蕭斯零露泥泥及禮 分是以有譽處分勢彼蕭斯零露讓選既見君子為龍 毛詩集解卷二十一 巴寺李忠其岸 李樗黄櫄 撰

萬福攸同 蓼毛氏日長大貌如所謂蓼蓼者我是也蕭爾雅云 李曰澤及四海言其思澤及於四海之諸侯也郭氏 泥於爾雅九夷八狄七戎六靈謂四海遂以此詩為 亦國君之賤者露者天所以潤萬物喻王者思澤不 亦以為露貌鄭氏日蕭香物之微者喻四海之諸侯 四夷之長盖此詩統言及天下之諸侯不必分別也 似白萬空廳斜生有香氣滑毛氏曰蕭上露貌說文

定匹庫全書

所有以告之亦不必如此說燕笑語分是以有譽處 其情意也蘇氏日其既見君子也莫不思盡其心之 求其義既見君子我心寫分言諸侯既見君子則翰 以蕭香能上達譬諸侯以德善自通於天子此皆强 又以豐草比同姓之諸侯則其取譬為不倫矣王氏 猶澤之及四海若以蕭為諸侯之贱者而甚露之詩 以蕭衛諸侯之賤者然詩人之意蓋言露之被勢蕭

為遠國則不及也蓋鄭氏旣以四海為四夷故其說

飲定四庫全書 八 漢毛氏日露番貌武文日露濃貌龍龍也左氏昭公 十二年宋華定來聘事之為賦製蕭弗知又不答賦 萬福攸同是天子之萬福也不必作諸侯之事也讓 昭子曰必亡宴語之不懷寵光之不宣令德之不知 不忘是天子之壽考也令德壽豈是天子之壽豈也 非也據此詩章末句皆是稱赞天子之解如言壽考 有譽而無問言有處而無失位以譽處為諸侯之事 分言諸侯旣見天子天子則與之燕而笑語則是以

熊 豈弟言思意之厚故諸侯甚安之而又且樂易也! 壽考之報而斯民常不忘之也泥泥露之沾濡貌孔 為寵也為龍為光言天子宣寵光被及於已也其德 福之不受則指第四章惟以龍光之不宣指二章則 光之不宣則指第二章令德之不知則指第三章同 不爽言天子所以待之者其德無有差成也宜其事 以龍為罷是也如長發之詩曰受天之龍亦是以龍 同福之不受將何以在宴語之不懷則指第一章龍

次足日車全書 毛詩李黃集解

俸皮為之沖沖垂飾貌和鸞毛氏曰在戟曰和在鎮 得以外交兄弟之國無所不宜非也毛氏言為兄亦 **冝為弟亦宜亦非也令德壽豈言天子既已如是宜** 郭璞云轡靶也馬轡所靶之外有餘而垂之者謂之 其有令善之德而壽又且豈樂也濃毛氏曰厚貌說 其同姓之諸侯亦如所謂宜其家人也王氏言諸侯 文曰露多也條樂也革響首也爾雅曰響首謂之革 兄弟同姓之諸侯也天子既以思意接之則可以宜 大 E I E & E 成王之恩及四海之長伯也諸侯之朝於天子未得 車迎於門王氏則曰来馬路車天子所以好諸侯也 澤及四海所謂外薄四海咸建五長則澤及四海言 黄日成王即位之初諸侯四朝成王以禮事之故曰 天子能如是宜其萬福聚而至也 和也此有二就鄭氏則曰諸侯燕見天于天子必來 日鸞鄭氏注禮記曰在式曰和在衛日鸞雍雅鳴之 有車馬則有隆革和鸞矣此二說皆通萬福攸同言 毛詩李黃集解

侯者其德之不差典如此則我諸侯雖終身不敢忘 處分蓋以諸侯之朝而天子與之燕飲而笑語此諸 句皆為諸侯稱赞天子之辭此大不然夫是以有譽 侯之祭而終身有美譽以處其身也是亦為龍為光 見也於此則有願見之心其旣見也則有自慰之心 其德也令德壽豈則非惟不敢忘其德而亦當終身 之意也其德不與壽考不忘此言人君所以待我諸 此人之情也故曰我心寫今季适仲以為此詩末一

湛湛露斯匪陽不晞厭厭夜飲不醉無歸湛湛露斯在 湛露天子燕諸侯也 尺記可見 小小 賦昭子日必亡燕語之不懷龍光之不宣令德之不知 樂易相與子萬福攸同言諸侯均受天子之福也昭 佩服其德也君待我以樂易之德我諸侯其敢不以 同福之不受則知此詩皆諸侯被天子之澤而歡悅 公十二年宋華定來聘事之為賦家蕭弗知又不答 毛詩李黃集解

不令儀 彼豐草厭厭夜飲在宗載考湛湛露斯在彼把棘顯九 君子莫不令德其桐其荷於軍其實離離豈弟君子莫 威儀可知也豐草喻諸侯也在宗載考考成也言夜 則不乾譬如天子之燕飲諸侯厭厭而至於夜非 飲之禮在宗室則成之他人則不敢也把棘亦是喻 李曰湛湛露茂盛貌晞乾也露之沾濡萬物非見日 不歸也厭厭安也夜飲而至於厭厭然而安則其 卷二十 醉

君子之有威儀也宣弟君子莫不令儀皆是飲酒無 也其桐其椅言桐椅之為木其實離離然以垂以譬 明允之君子皆有令善之德以見其醉而未當過差 之後詩本不如此皆是臆說顯尤君子莫不令德言 於犯棘則喻庶姓之諸侯於卒章則以桐椅喻二王 闢之矣而鄭氏於豊草則又以喻於同姓之諸侯 諸侯但變其文耳鄭氏以為露之在物湛湛然使物 柯兼低垂喻諸侯受燕爵其儀有似醉之貌歐陽已

欽定四庫全書 一 飲惟祀又曰德將無醉醉者必至於亂令也威儀如 謂以禮飲酒矣天子煎同姓諸侯不可以不厚既待 夫飲酒而至乎亂非飲酒以禮矣觀湛露之詩正所 失不為酒因也莊子曰以禮飲酒者始乎治卒乎亂 至於無節今也威儀如此非有節而何書曰越庶國 之厚則易至於失節令也夜飲醉歸而不至於亂可 非有節而何盖非夜飲醉歸則無以見其待之之厚 有節者矣左傳曰臣卜其畫未卜其夜夜飲則恐 卷二十一年新年 N ALI D AND LO ALIA 黃曰湛露之詩必是成王燕諸侯之樂章也武王之 劉章之軍令自然無失禮者矣鳴呼休哉 遥想當時諸侯威儀之肅無有喧譁失禮者雖不假 夫飲酒而不責人以禮是晉人放曠之俗然也若先 足下飲人以狂藥而責人以正禮不亦乖乎崇乃止 與石崇酣飲慢傲過度石崇欲表免之裴楷謂崇曰 非有令德令儀則無以見其飲之有節晉孫季舒當 王威時豈有飲酒而不能由禮者哉今誦湛露之詩 毛詩李黃集解

威儀抑抑醉則威儀似似今日莫不令儀言其雖醉 情不醉無歸以極其截然酒所以成禮而醉則易至 飽以德也其與醉而不出是謂代德者異矣未醉則 醉則易至於無德今日莫不令德言其旣醉以酒而 於廢禮今日在宗載考成也言其既醉而終以禮成 王即位之初因諸侯之朝而事之厭厭夜飲以盡其 之也其與所謂載號載吸亂我邊豆者異矣德將無 興諸侯之會者千八百國其同力王室功不細矣成 四月白書

金

贞

形弓弨及昭分受言藏之我有嘉實中心即之鐘鼓旣 形弓天子錫有功諸侯也 鐘皷既設一朝右之形弓弨分受言奏是刀之我有嘉 たこうる ところ 毛詩李黄集解 餘恩臣有餘敬此所以為成王之威時也鄭氏分為 同姓異姓與二王之後先儒已辨之矣 而威儀益善也其與威儀幡幡屢舞儒像者異矣上 之所以絕下者愈寬而下之所以自絕者愈嚴君有 一朝饗之形弓弨兮受言載之我有嘉實中心喜之

實中心好之鐘鼓既設一朝 時元之 禮之於是賜形弓一形矢百以覺報宴見文四年 盧弓一盧关百馬四匹至其後襄王之世晉文公獻 李曰左傳寫武子曰諸侯敵王所帳而獻其功王事 以明報功宴樂惟形弓以覺報宴則知形弓之賜蓋 熟故文侯之命曰用賽爾柜鬯一卣形弓一形天百 元凱日諸侯有四夷之功王賜之弓天又為歌形弓 以報諸侯之功也如周平東選晉文侯有夾輔之

灾

四月白言

卷二十

先王盛時可知矣形弓朱弓也弱說文曰弓反末也 惟及此二人則可謂不妄賜矣以周之衰猶如此則 兹弓矢千周室東遷之後賞罰無章然其弓天之賜 楚停于王王事晋文公命之宥賜之形弓一形天百 朱弓必策其功以命之受出藏之乃反入也王氏曰 謂弛之而體反也受言藏之此有兩說鄭氏曰王賜 功成而獻王王受而藏之以待賜也此兩說一則 為諸侯藏之一則以為王藏之然此詩乃是天子賜 毛涛李嵌集罪

有功諸侯則當以為諸侯藏之也然鄭氏曰受出藏 者也王者既稱我諸侯又稱我則其文無別以為策 此弓賜諸侯諸侯則受而藏之也言者毛氏以為我 鄭氏以為策命以為我則下文言我有嘉賓蓋指王 也又有一說藏之家以示子孫亦不必如此詩言以 之乃反入也詩中只言受言藏之不必以出入為言 **灾匹庫全書 氏傳言歸于好正此類也天子之賜諸侯必有享禮** 命其言雖有所據則又穿鑿矣要之言者語辭也如左

報其功也左氏曰以覺報宴是也 為轉酢也當從毛氏之說蓋錫之弓矢又享之所以 **須田事謂早朝之時而設此禮也載者載以歸也右** 也所以辱之故也秦韜也騎毛氏以為報也鄭氏以 氏日其事也等而右之也當從王氏之說盖其事之 右經言一朝右之鄭氏以為冥於薦右非經之旨王 毛氏以為勸鄭氏以為主人獻之實實受爵與於薦 出於至誠既設鐘鼓之樂於是早朝而事之也大飲

欽定四庫全書 燕之而已至於錫諸侯則必曰錫有功諸侯吾見成 形天百其後襄王以文公有獻楚俘之功而命之宥 黄曰周平王東遷晉文侯有功馬王賜之以形弓一 王之錫命固不輕而作序者之一言一字亦不輕也 形弓之賜必待有功者況威時乎成王之諸侯直曰 亦賜之形另一形天百夫以周室既衰賞罰無章而 之威時諸侯無私會無諸侯必天子也諸侯無專命 此詩固錫諸侯之詩無疑矣而必曰天子云者古

休 菁菁者我在彼中阿既見君子樂且有儀青菁者我在 文至日華 A ME / 君子錫我百朋汎汎楊舟載沈載浮旣見君子我心則 彼中沚既見君子我心則喜菁菁者我在彼中陵既見 樂之矣 菁菁好丁者我樂育材也君子能長育人材則天下喜 李曰天佑下民作之君作之師所謂人君非徒有以 錫諸侯必天子也序詩者謹而書之為萬世法馬 毛詩李黃集解

育人材可知矣文王之時詩人稱其於樂辟雅是天下 詩曰旣見君子我心則喜觀此則知天下喜樂在於養 育人材則天下皆有弃村雖欲天下喜樂不可得也 之人以辟雅為可樂也僖公之時思樂泮水是天下之 養之抑亦有以教之使為人君者尚能盡君師之道 人以泮水為可樂也然則人君能養育人材天下其有 以長育人材則天下之人知夫人君所以養育人材 如此其至安有不滿其意而喜樂哉使人君不能養

旋中禮樂樂此者也樂此故不知手之舞之足之蹈之 可以接耳目者禮樂而己禮優此者也優此故動容問 有儀所以為人法王氏曰君子之長育人材也有道其 則其人樂易而有威儀也歐陽公乃曰樂易所以容衆 人材若大陵之長育微草能使之青青然威也既見君 細科生其益可食菁黃盛也阿大陵也言君子之長育 子樂且有儀韓文公曰天下美之之辭也言旣見君子 不喜樂子我草名也生於澤田漸加之處葉似邪萬而 三季李安美厚

歃 害而繼之阿大陵也始日中阿矣今日中陵者長育人 材成然後官其材禄其功乃所以長育之也此說固無 禄以龍贵之云爾王氏則以此章為材之成就其說曰 朋多之辭也言君子既長育人材又當爵命以錫之厚 古者以見為貨五見為朋言受禄之多也韓文公曰百 中也中陵陵之中也中止中陵亦如中阿也錫我百朋 日既見君子樂且有儀此蓋曲說不足取也中止江之 也舞之蹈之所謂樂也動容周旋中禮所謂有儀也故 定四庫全書

大用之或長於此而短於彼或優於彼而劣於此君 竊以為不特讀子美之詩如此王氏之於詩以為陵 儀為先以錫我百朋為後則鑿矣黃魯直大雅記云 材之道以樂且有儀為大錫我百朋為小以樂且有 村無所不取若舟之於物浮沈皆載之云爾盖君子 有小大前後之序則古人之詩無乃委地乎此不可 不戒也汎汎楊舟載沈載浮韓文公日君子之於人 '於人材其材不可以不取小材則小用之大材則 色诗李茂其件

鱼灾四厚全書 由長養之所致也孟子曰待文王而後與者凡民也 地之美者雖有惡種不能生也地之惡者雖有美種 美之也買山日地之美者善養未君之仁者善養士 子莫不因其材而用之既言君子如此則我心休而 亦不能生也至於江皇河濱之地雖有惡種無不很大 有不中不材者矣周之世雖曰得人之盛原其效皆 君子有長育人材之道則貪者可使變而為廉許者 可使變而為直中也養不中材也養不材則天下無

者歌此詩馬成王樂與賢以持前日之功又樂得賢 教育之如何耳 莫不皆豪傑之士原其本也必有所自也揚子雲曰周 天之生才豈為周而增之豈為秦而損之惟上之人 之士也貴秦之士也賤周之士也肆秦之士也拘夫 黃白青我詩蓋天子行禮於學校而宴飲之時則學

若夫豪傑之士雖不待於教育而亦能成也以此觀

之周之時所以該該王多古士該該王多古人要其成

欽定四庫全書 成者禄之小以成小大以成大而人材無有所遺有 君如此則人情之喜樂如何邪韓文公舉是詩最為 詩皆喜樂之辭成王之於人材其未成者養之其旣 文王之辟难人樂之僖公之泮水人亦樂之故青我 成王樂長育人材故天下亦樂與成王此如簫部奏 而鳳皇儀干羽舞而有苗格心之所感不能自己者 之心無有窮已故其尊賢侍士之誠亦無有窮已惟 以為今日之用又樂育材以為後日之用成王好賢

嘉魚廢則賢者不安下不得其所矣崇丘廢則萬物不 華恭廢則蓄積缺矣由庚廢則陰陽失其道理矣南有 則法度缺矣南陔廢則孝友缺矣白華廢則廉耻缺矣 木廢則朋友缺矣天保廢則福禄缺矣采微廢則征伐 缺矣皇皇者華廢則忠信缺矣常棣廢則兄弟缺矣伐 六月宣王北伐也鹿鳴廢則和樂缺矣四壮廢則君臣 矣出車廢則功力缺矣杖杜廢則師很缺矣魚麗廢 詳備學者當自及之). 1 .. |

毛詩李黃集解

子四壮修廣其大有題及為海代獨犹以奏庸公有嚴 六月旣成我服我服旣成于三十里王于出征以佐天 六月棲棲我車旣飭四壮縣聚載是常服獨狁孔熾我 則 其道理矣夢蕭廢則思澤非矣湛露廢則萬國雜矣形 遂矣南山有臺廢則為國之基墜矣由儀廢則萬物失 一發則諸夏衰矣菁青者我廢則無禮儀矣小雅盡廢 用急王于出征以匡王國比物四職開之維則維此 四夷交侵中國微矣

窗

埞

四月全書

を二十一

吉甫燕喜既多受社來歸自錦我行水久飲於媽御諸 友烈后 鼈犀 引詹熙侯能在矣張仲孝友 十乘以先啓行我車旣安如輕於二如軒四壮旣信其 獲侵鎬明之及方至于涇陽織文鳥章白病央央元式 反 有翼共武之服共武之服以定王國玁狁匪站整居焦 興至於菁青者我之詩此周之所以與也至於厲王 既信且開薄伐玁狁至于大原文武吉南萬邦為憲 李曰六月之序總言廢興之由文武成康自鹿鳴之

三十二十二十五年

欽定四庫全書 棣具有不與子自伐木以至於菁菁者我莫不皆然 其有不與子常樣之詩雖廢的能充兄弟之愛則常 皇皇者華之詩雖廢苟能行忠信之風則皇皇者華 鳴之詩雖廢首能敦和樂之誠則鹿鳴其有不與乎 中與之主者以其能與表補弊以振祖宗之業也度 人亡則其政息以厲王之世非其人則文武之政安 也中庸曰文武之政布在方策其人存則其政舉其 之世斯道埽地小雅盡廢此周之所以我也所貴乎

ż עד) ט זיפון קין קיוט [אין 詩因四夷交侵之故而備言也唐孔氏日由庚以下 馬於北壮驅黃之間不足以論詩也由庚之詩本在 於南山有臺之下今乃列於南有嘉魚南山有臺之 同故俱言缺周公成王則臣子也故變文馬此皆求 得而不息宣王以中與之主承属王之業而有撥亂 不言缺者飲者因文起義明與上詩别言見缺者為 剛君父之義不言缺者為柔臣子之義以文武之道 之志其人存矣文武之政安得而不與乎故六月之 毛詩李黄集解 トセ

庚於南有嘉魚之前而退南山有臺於崇丘之後何 木之前已不可得而知況其亡者又安可得而知之 先後不可必其次第如常棣乃周公之詩而列於伐 者以其是成王之時故下從其類夫詩之見存者其 本第在華泰之下其義不備論如此而與崇丘同處 間而不依於序者何也唐孔氏曰據六月之序由庚 也蓋其說以為陰陽失其道理則是人若不能用道 乎姑闕之可也王氏又從而為之說曰序詩者進由

卷二十一

南追伐迫逐乃至于大原鄭代則以為獨遣吉南王| 理為國之基隆則萬物不遂亦何有不可以此知其 萬物不遂則是人君不能成物人君不能成物則必 自征王氏則以為宣王親伐玁狁出鍋京而還使吉 說盖出於附會不足取也六月之詩毛氏則為宣王! 不足取也設若倒其辭曰賢者不安則陰陽失其道 無賢者以立邦家之基矣此蓋附會其就以合此序 人君不能用道則賢者亦必不安下亦必不得其所矣

歃 載是常服為王載太常然常服只是有常之服不必 與論語丘何為是極極者同孔氏棲棲猶皇皇也則 四壮聚聚然言四壮之盛壯也常服鄭氏日韋并服 知棲棲蓋言其不安也六月盛暑豈是出征之時令 而不静蘇氏日棲棲不安也蘇氏之言為有據此正 作王之太常也棲棲毛氏曰簡閱貌王氏曰棲棲然 不自行此說當從毛氏之說以為自征者蓋以下文 定四庫全書 也乃至於與師者以凝犹之難不安故的其式車也

たこう 卒無後杜元凱以于為日正與此同此章盖言宣王 日不計軍實而申做之于勝之不可保約之百克而 命吉南於六月之時出代擺狁故我是以出師其所 民生之不易禍至之無日戒懼之不可以怠其君無 子曰楚自克庸以來其君無日不討國人而訓之于 犹之盛我是用急以討之于鄭氏以為于曰也毛氏! 問官日九兵事章并服盖軍事之常服也熾盛也嚴 以經凡言于皆以為往當從鄭氏之說按左氏樂武 TOTAL OF TOTAL 毛詩李黃集解

驪之馬比同其力也開之維則言其開習之有法度 里也古者師行三十里故爾王于出征以佐天子言 馬也比此同力之馬不厭其同色也比物四聽言四 注云毛馬齊其色物馬齊其力今乃比物者同力之 物 天子命之出代盖欲其佐助天子事也四壮修廣修 出師者宣得已哉以王命之蓋將以正王國故爾比 馬旣開矣而我服又成可以出征矣故曰于三十 四驟周禮曰凡大事祭祀朝覲會同毛馬而領之

Carlo A has he 程不識之嚴故以嚴為貴有嚴有異共武之服言有嚴 有翼可以成武事矣武事成則王國安得不定乎如 慎齊戰疾臨戎之事尤貴於慎重李廣之間易不如 也膚大也公功也有嚴有强共武之服此又言將師 大貌可知惟其四牡如此故可以伐玁狁而奏膚公 又翼敬其慎重如此夫兵凶器也戰危事也子之所 之德如此兵事以嚴終固在於嚴也異敬也既嚴而 毛詩李黃無解

長也廣大也颙毛氏曰大貌說文亦曰大貌則颙為

度輕敢猖獗焦獲之地安然而居之以侵伐於中國 水之北織文鳥車鄭氏織微織也鳥章畫鳥隼之文章 度也言獨犹不自量度而整居焦機焦穫地名今在 也其猖獗如此則不可以不征之織文鳥章白旆央 乘先於其行以衝突乎其前也此章蓋言玁狁不自量 於其上白旆繼旗者也央央鮮明貌元大也大車十 中也鎬方皆是北方之地名鎬非鎬京也涇陽乃涇 永興軍爾雅曰問有焦複郭璞曰今扶風池陽縣瓠

鉒

灾

川台さ

卷二十一

欽定四庫全書 毛詩李黃集解 壮大而又閉習也惟其如此故可以伐玁狁至于太 輕如軒此章又言車馬之盛也式車既安矣從後視 央言其旗章之盛元六十乗以先於行言其車馬之 狄之民皆吾赤子也豈可若秦皇漢武窮兵騎武深 原驅逐之出境而已聖人之於夷狄一視而同仁豈 壯惟其車旗既盛而壯故可以征之也式車既安如 有內外之別哉惟先王之法內中國而外夷狄然夷 之則如軽從前視之則如軒言其調也估壯也言四 主

為萬邦之法必不至於窮兵贖武也吉甫照喜此又 憲此蓋稱美之辭也吉甫之為將文武兼備則可以 其如此故於是稱美其將帥之德文武吉甫萬邦為 言吉甫之歸宣王與之燕而喜又多受其賞賜也其 之仁心也先王之於夷狄豈有意而征之其所不得 所以與之燕者以吉甫之為將自鍋而歸其行役之 已而征之者蓋以吾民迫於禍患不得不征之也惟 入不毛之地開疆拓境以快一時之念哉此非先王

流金樂石之時無乃毒民子蓋六月而出師非宣王 友司馬法曰冬夏不興師禮記月今日季夏不可以 時日月甚久也然其燕也非将吉南與馬又有及於 起兵動很今宣王乃以六月之時而出師者夫威暑 與友者無非賢者也觀言南之文武張仲之孝友則 與於飲無之列乃張仲之孝友如此則吉甫之所以 周家得人之盛可知矣善於父母日孝善於兄弟曰 諸友也只能贈經言其珍誤之多也侯能在矣言誰 ---巴寺安京京将

釛 鋒鏑之下其不仁如何哉以是知六月而出師有宣王| 夷狄之罪蓋出於一時之念驅民於行陣之間委之於 詩而代北狄唐太宗以四月出師至九月而還此豈 之心則可無宣王之心則虐矣 心哉故必從權而與師也至於後漢實憲以六月之 夏不出師則遠境之民實受其害矣豈人君愛民之 狄之患不能自存而為人上者安坐而不救以為冬 定四庫全書 之本心以獨犹之侵伐不得不然如此吾民困於夷

策其人存則其政舉其人亡則其政息厲王之時小 復振之明文武之功業而周道粲然復興六月之詩 雅之詩非不存也惟舉是政者無其人耳宣王起而 親等賢至於柔遠入懷諸侯終始不可缺一一詩廢 武之業者具載於小雅此如中庸之九經自修身親 黃曰曾觀文武所經營之治與成王周公所以守文 之所以侵而中國之所以微也夫文武之政布在方 事廢事事廢則周道衰而為厲王之時此夷狄 毛詩李黃集解 テ

東山之役以三年之久而人不怨北伐之詩以六月 民於凶器危事之地宜斯民之怨嗟而不樂為之用 也今觀此詩而當時之民皆以為當然者予當論之 動衆今宣王以六月而北伐以樂石流金之時而驅 跡也司馬法冬夏不與師月令日季夏不可以與師 因宣王北伐之事而備言四夷交侵以明其得失之 之時而人樂為用蓋致東山之役者非周公之本心 **灾匹国台** 也迫於三監之亂而不得已耳速北伐之師者非宣|

噫宣王以厲王大亂之餘而支羅狁之患意其必倉 上之出於不得已雖三年而人不以為久六月而 王之本心也迫於獵犹之侵而不得已耳民人知其 其車馬器械之盛而示威於夷狄哉于出征于三十 蓋其車馬之修器械之備非一日矣然宣王亦豈恃 馬則既信且開共武服者有其敬先於行者有其車 卒不暇為計而今也四驟之馬則閑之維則四壮之 不以為暴蓋人以為其所以勞我者乃所以安我也 毛詩李黃集解

三十師干之試方叔率止来其四騏四騏翼異路車有 簿言采艺于彼新田于此笛風 或方叔治利止其車 采艺起宣王南征也 深入之計也非宣王之君吉甫之將能若是乎詩人 里未曾有速進之心也薄伐羅犹至于大原未曾為 於末章言吉南之賢而及於張仲之孝友以見吉南 之所與為友者如此則吉甫之為人可知此形容之

新定四库全書

卷二十

行音 叔元老克壯其猶方叔率止執訊獲醜我車彈彈 祈 此中鄉方叔治止其車三千旂施央央方叔率止 反 叔戊鼓淵淵振旅閩閩 支 學學如霆如雷顯允方叔征代獨狁靈荆來威 師干之試方叔率止紅谁人代鼓陳師鞠於顯 軍弟 無魚服鉤膺俸給革海言采色于彼新田 錯 必彼飛隼其飛戾天亦集爰止方叔治止其車 . . . 衙ハ **蜜瑲琀服其命服朱芾斯皇有珍窓珩** 毛持李斯集罪 反徒 · 蠢爾蜜荆大邦為雖 1

色孔以為穀王氏於薄言采色亦謂之穀按陸幾疏 辭耳此說是也按孟子曰征者上伐下也敵國不相 名有二穀也菜也豐水有艺孔氏則以為菜惟糜惟 李曰宣王之時北有獨犹之患故北伐矣南有靈荆 定匹庫全書 | 食亦可以蒸為站則是菜名也爾雅曰已白苗郭璞 征也以征為上伐下則征伐之義有不必辨馬艺之 日芭菜似苦菜也堃青白色摘其葉白汁出胞可生 之患故南征矣於北言伐於南言征者唐孔氏日便

鉑

爾雅曰一歲曰笛二歲曰新田三歲曰畬孫炎註曰 田則田中所生宜生穀也然未有采之者既謂之采 盖以惟糜惟岂故可為穀也海言采它豊水有艺不 菜豐水有艺為草惟栗惟艺為穀要之三物皆穀爾 知果為穀果為菜子詳觀此詩曰簿言采它于彼新 知何也徐安道亦從其說而曰毛氏以簿言采艺為 不宜謂之穀不如闕之以俟博物君子新田笛畝

日今白粱栗好穀也則是殼名也王氏皆以為穀不

飲定四庫全書 載為熾笛故其說如此不可以取信也且如後世江 日何處好笛田團團漫山腹白樂天詩日畬田有栗 南人多番語田用此畬田之字其音不同劉禹錫詩 下未必一歲之田也竊謂不然蓋鄭氏好改字以叔 是柔田之耕亦為蓝也于此笛畝又在于彼新田之 緩也而鄭氏坊記注則又曰二歲曰畬三歲曰新田 且當以爾雅為證孔氏日鄭氏謂熾笛南畝為耕田 **笛始災殺其草木也新田新成柔田也會和也田舒**

往必獲也此說雖近於南征之意然其意與下文不 于新田亦得之于苗畝亦得之如宣王征伐四夷所 此二句其說頗為難晓毛鄭皆謂宣王能新美天下 取之之易如采艺爾艺苦菜也人所常食易得之物 鄭之意為迂頭而自謂宣王命方叔為將以伐蠻荆 泉脈竭不可復種藝往往與周之時禽故又别也觀 何不啄江南人其法縱火拚蘆灰經雨下種歷三歲 之士然後用之王氏亦以養成人材為說歐陽以毛 毛持李黄原解

近蓋宣王之命方叔為將而有師放車馬故以此取 故宣王之南征亦使方叔治其軍而後用之此說為 **笛畝而後得之方其治田也則勞及其采芑也則逸** 乗亂羨卒盡起此說不然故王氏曰其車三千蓋會 天子六軍六軍只有十乘令乃有三十鄭氏曰宣王 馬之威也治臨也方叔臨而視之則具有三十之乘 喻言新田留敢之中有此菜亦如宣王之時有此車 相應惟蘇氏曰將采它者於何取之其必在於新田 卷二十

鱼 庆四 厚全 書

矣孔氏則因其說而曰必言其强美者斯为弱矣老 故毛氏曰言周室之强車服之美也言其强美斯劣 諸侯之師非特鄉遂之兵而已先儒以為羨卒盡起 合諸侯之師但能備三軍之數況欲得三十之車乎 非也蓋宣王承厲王之後能會合諸侯之師而其車 師如是盛乎桓王之時代鄭王為中軍號公林父將 右軍祭人衛人屬馬周公黑肩將左軍陳人屬馬其 有三千乘使其微弱如属王之世安得復會諸侯之 毛詩李黃妹解

智也方叔率止言方叔率此戎車士卒而行也其率 侯之師故顯言宣王師徒之盛所以明前世之不然 弱美而言之也此說為善蓋以厲王之時不能合諸 不足詩人所以盛矜宣王强美者斯為宣王承亂劣 子回國家昏亂有忠臣六親不和有孝慈明名生於 也師衆也干毛氏以為扞試用也言其士卒皆有佐 而行則乗此四騏之馬四騏之馬又皆翼翼然而壯 定四庫全書 并敵之用不如程氏以為師干猶今云甲兵試肆 を二十-

쉷

灾 己日華 全書 服即采薇所謂象弭魚服是也鉤經盤缨也在膺則 車之旅飾弟敬也車之所載又有魚皮以為天服天 鄭氏曰美地名交龍為於龜蛇為旅旅旅央央此言 膺則知所謂路車盖金路也故唐孔氏曰中車金路 其所東之路車而有爽爽亦貌又有方文之軍以為 此蓋言其馬威也路車有爽此又言其車之威也言 同姓以封也今方叔来之者或方叔為同姓也中 有擊繆之飾又有俸皮以為樂首之革而垂之言鉤 毛詩李黃集解

聲以養耳則知錯衙八驚者皆以為耳目之歡也服 飾 其命服服其所受於王命之服也皇猶煌煌也如所 車之行則又有八鷹之猪猪然而鳴孔氏曰錯衙不 戰長於田車也是為長 較約者以皮纏之而上加以 於物之威也 載長載之載也考工記曰兵車乗車其 知何所用也然按首子曰前有錯衙以養目和驚之 朱漆也輪人日容數必直陳家必正家數約也衙馬 也錯衙者雜其文采於車之上也約斬錯衙而其

深攻入敵也亦集於其所止衛士卒須命乃行也王 至也就被飛隼鄭氏以為飛乃至天豹士卒勁勇能 疾之鳥也陸氏曰隼鷂屬一名雀鷹蓋迅疾之鳥戾 其所佩又有瑶瑶之聲乃蒼玉之珩也飲彼雅隼急 氏以為歌彼飛隼其飛戾天者言士卒之猛疾奮厲 之服也故毛氏曰天子純朱諸侯黃朱有強恐行言 而繼之日室家君王天子朱芾此言朱芾者盖諸侯

謂皇皇者華蓋言其鮮明也斯干之詩曰朱芾斯皇

新定四庫全書 | 之力今亦皆集於此而將用之也証說文曰鏡也缸 節亦不可用也此說未敢以為然蓋詩人但言士卒 過也蘇氏則以為隼之飛而至天甚迅疾矣然必集 之猛如隼之飛而戾天今皆集於此士卒皆有奮厲 於所當止而後可用言士雖勇而不教則不知戰之 之疾急亦集於所止以興兵雖强威用之有節而不 以為言將之才士之农且勇進退得宜趨舍有節隼 如此亦集爰止者言士卒之服聽號令如此程氏則

k 2 士氣及其振旅也則闖闖然而氣盛猶有餘勇也蠢 且信之方叔而其代鼓則淵淵閱聞然淵淵伐皷聲 旅亦可以分衆寡子此但便於辭耳顯允方叔旣明 衆也王氏日陳欲廣故言師誓欲編故言旅其意以 言之爾此說是也陳師者陳列其衆也鞠誓也言誓 師旅分衆寡且如陳師鞠旅可以分衆寡則班師振 人代鼓者鄭曰鉦也鼓也各有人馬言缸人代鼓互 一間聞說文作從門從真蓋言其將戰則代皷以 2, 45 1 毛詩李黃集解

聚盛其聲之發如霆如雷此皆言有可畏之威如此 問者獲其有罪者而其所来之戎車嘽蟬好好然而 壯其謀飲也惟能壯其謀嚴故其南征也必執其可 老臣是也夫將兵而年少推鋒可也安知大事子如 也毛氏日五官之長出於諸侯曰天子之老亦不必 如此就但是方叔為一時之大老如趙充國曰無如 動也言蠻判蠢動而無知以小邦與大邦為雠元大 謂口尚乳臭則安能禦敵哉故必元老而後可以 田屋台門

MANAGES TO WARDE THE PARTY

威聲振動於藝貊向者當代獨犹而獨犯既矣今 黃曰予曾讀采艺詩知天下不愚無兵而愚無將宣 儀之於回紀薛仁貴之於突厥聞二公之名固已先 代蠻荆而蠻荆安得不畏乎以此見方叔之元老威 顯允方叔顯明允信也此末三句言方叔之為人其 破其膽矣安得不服哉 名素著於夷狄故夷狄之人皆聞風而服也如郭子 王當属王之後兵威之不素振士卒之不素練車馬 色诗李黄集解

鉱 勇士毛奮鮮集會諸侯之師而其車三十有不可勝 新柔之田也笛敢者始殺其草木之地也中鄉者至 於中鄉雖其所不足之地而皆可獲馬新田者方成 用者若此如采芑者或取於新田或取於笛畝或取 狹之地也而皆可以采芑特患耕之者無其人耳宣 定四库全書 之不素習若無可以支敵者今也宣王一 方叔為之將也故此詩言方叔治止又言方叔率、 王雖繼亂亡之後而士卒之衆車馬之備者如此以 與而謀臣

我車既攻我馬既同四壮靡魔庭同駕言祖東田車既 之竟上修車馬備器械戶戒復會諸侯於東都因田獵 車攻宣王復古也宣王能內修政事外攘夷狄復文武 予請以是為擇料之就 自服得一召虎而淮夷自平得一方叔而靈判自畏 言顯允方叔又言方叔元老宣王得一吉前而凝狁 四壮孔阜東有南草駕言行行之子于苗選徒臨臨

巴寺宇克美作

如破蕭蕭馬鳴悠悠旆旌徒御不驚大庖不盈之子于 我舉柴戶智四黃、既駕兩縣不将於寄不失其馳舎天 為音會同有釋亦決拾既依次弓天旣調射夫旣同助 征有聞無鄰允矣君子展也大成 李曰復古者復其祖宗之舊也即下文所謂復文武 IJ 之竟土復會諸侯於東都是也宣王內修於政事然 外展於夷狄也柔遠能通傳德允元而難任人 建旗設旄搏獸于敖駕彼四牡四壮夹夹赤芾金

定匹庫全書

夷率服此舜所以服四夷之策也做戒無虞罔失法 欲外攘於夷狄未有不為禍者也如秦皇漢武非不 益之所以服四夷之策也向使不能内修其政事而 度問遊子逸問淫于樂至於無怠無荒四夷來王此 承上篇而言文武天保以上治内采被以下治外然 修政事外攘夷狄是按上篇而言亦猶魚麗之序先 生矣此攘夷狄之策必先於內修政事也此序言內 服夷狄也然與內以事外四夷雖因而吾民已不聊 - Bay 毛詩李黃集解

欽定四庫全書 境土所以日促也夷狄既已遠遁不近於中國此境 狄蓋按上篇南征北伐然後方說本詩之義也旣能 後方說本詩之義此序言宣王能內修政事外攘夷 攘夷狄則境土自復也方其四夷交侵而中國微此 忘武備以修車馬以備器械為念蓋除戎器以戒不 乃兼言文王者蓋文王三分天下有其二周之境土 以充斥自文王始也旣能復文武之境土猶能不 以復也武王旣得天下其境土之廣可知矣而

毫之命周武有孟津之誓成有收陽之蒐康有野宫 雅以選車徒馬左氏日夏啟有鈞臺之事商湯有景 遂能舉此廢典也東都王城也既會諸侯遂因而田 會諸侯於東都當文武成康之威蓋常會諸侯於此 境上總復而河北未幾復為賊陷以無武備故也復 虞古之道也不然則如蕭便消兵其禍豈小哉當時 之朝榜有塗山之會此皆合諸侯之事也則知成王 其後微弱不能率諸侯以會東都之地至宣王中興

欽定四庫全書 車既攻我馬旣同四壮廳廳三者非修政事不能致 矣四壮又充實矣此所以駕而往東都也王氏曰我 謂齊力也應應毛氏曰充實也車既攻矣馬既齊足 純也戎事齊力尚强也田獵齊足尚疾也此言同蓋 之蒐與諸侯共之亦猶宣王之會諸侯而與之田雅 於東都按詩序所謂外攘夷狄蓋指上文而言其曰 也我車旣攻我馬旣同攻堅也同齊也宗廟齊毫尚 致此三者然後能攘夷狄復文武之境土會諸侯

田按左氏日鄭之有原園猶秦之有具園則園者鄭 者大支草以為防鄭氏曰南草南田之草也鄭有南 忘武備也非謂修車馬備器械以攘夷狄也孔阜程 復文武之境土而後繼之以修車馬備器械蓋謂不 說穀梁亦曰因鬼府以習武事禮之大者也笑草以 非其字又以南草為南田之草其就為迂當從毛氏 國之名故 所雅曰鄭有 國田今鄭氏以 國為南田固 氏曰肥壯也南草毛鄭之說不同毛氏曰南大也田

欽定四庫全書 **蒐夏曰苗秋曰猶冬曰 行令此詩旣言行符此又言** 符是獵之總名但冬獵大於三時故符為冬獵名爾 非宣王發意向東都歷冬夏也此說是也之子程氏 于苗者孔氏曰此時宣王為夏田也上云駕言行狩 田獵故於是駕而往符也之子于苗四時之獵春日 言田之制如此故此言東都之地有廣大之草就而 為防或舎其中褐纏旃以為門表纏質以為機此皆 曰猶云吾二三子指所任事者也選謂簡車徒也言

來會也駕而來其四壯之馬又爽然而開習亦前 前是也既選徒矣於是建旅於車又設施於旅之首 車徒之時則常肅静也敖地名左傳所謂師覆于敖 遂往搏獸于敖之下也駕被四壮此章則言諸侯之 拾既伙此又言其射事之倫也吳語曰一人善射百 金舄之服而與於朝會之列皆以爵之等甲而陳列 於其位次故以有繹言之繹陳也金舄黃赤色也決 毛詩李黃集解 ニナと

其軍常静惟選車徒之時則其聲臨然以見其非選

當與手指相次比而後射得便利也弓矢既調鄭氏 夫決拾決鉤弦也拾遂也決著於右手大指所以鉤 言無不善射故謂之同柴說文曰積也言獲禽之多 倚也不失其馳舎矢如破言御者之良不失其驅 駕两驂不猗此言御者之良駕四黄而两驂不相依 而積於此也程氏曰农射夫助舉見其多也四黃旣 ,開體遂著於左臂所以遂弦依說文曰便利也言 調謂弓强弱與失輕重相得也射夫既同蘇氏曰 四周日刊

金

贞


為之說遇則獲不然則不能使御者不失其即而其 失其馳然後射者能中正謂此也蘇氏曰不善射者 敗令其静如此則其軍之整肅可知歐陽公詩有曰 夫軍士惡**那**楚師在陳而嚻合而加嚻識者知其必 鳴之蕭蕭旆旌之悠悠矣蓋軍之肅静而不喧詳也 說亦本於孟子也蕭蕭馬鳴悠悠旆旌此言但聞馬 射者乃能舎矢如破然後為善射也此說為盡然其 之法故射者發矢必中如椎破物也穀梁曰御者不 毛詩李黃集解

庖不盈言其大庖不充盈乎大庖即禮記所謂充君 嚴鐘鼓三更月野宿貌殊萬竈煙皆是放此二句而 萬馬不斯聽號令諸藩無事樂耕耘蘇東坡詩曰令 作也驚猶做戒也徒御不驚言其徒御不做戒乎大 允同言君子之明信故能如此展也大成展誠也言 **氏之意亦與此同不如程氏調師之行不聞其聲當** 之危也有聞無聲毛氏曰有善聞而無喧譁之聲 此說言其軍之静也允矣君子允與顯允方叔之


飲定四車全書 黃曰子曾因車攻之詩而為之說曰武帝窮共於四 詩其長數十倍其所述人君之德比車攻為何如哉 攻詩與上林賦觀之則詩人辭人之别與然矣 楊子雲曰詩人之賦麗以則解人之賦麗以淫以車 相如上林之賦蓋做此詩而作然其言倍於車攻之 夫諸侯之服射御之良此詩人之善形容也如司馬 美可謂備矣既見其車馬之修又見其器械之備與 誠哉功業之大成也車攻之詩八章其形容宣王之 毛詩寺黄集解


忘其在我之自治彼既服而亦不忘其所以在我之 復未幾而河北已為賊有此不知修車馬備器械因 狄之說也蕭係之徒知幸安而不知遠慮故境土之 自備修政事以攘夷狄除兵器以戒不虞何宣王之 田獵而選車徒之說也宣王之於夷狄彼未服而不 雖 失均也武帝與内以事外不治中國而治夷狄夷狄 夷旣服之時蕭倪段文昌銷兵於两河南定之初其 因而吾民亦與之俱與此不知內修政事外攘夷 卷二十

皆遮羅鶴功勒成告萬世鑿石作皷原嵯峨韓公之 境土己入於版圖若可以自逸矣田獵一事宣王必 能自治也方是時文武之功業已明於天下文武之 曰周綱陵夷四海沸宣王慎起揮天戈大開明堂受 因之選車徒馬則宣王之田雅豈若好田雅畢弋而 不修民事者哉嗚呼厲王之時諸侯不朝宣王復興 預諸侯劒佩鳴相磨第子岐陽騁雄俊萬里禽獸 侯畢會其中與之功何威欺韓文公作石鼓之歌 三年安克其件



謹 第三十三頁後八 第三十四 或 楽 當 攺 詩 草 魚 作 卷二十第二十五頁後八行 訛 璣 木 ىل 之 有 頁 ح 有 為 芭 前二行 魚 機 カ 櫟 因 而 疏 隰 行 并 者陸 解 詩 有 此 改 飛 吉 詩言 璣 六 元 刊 字 ىل 、胶 恪 本 元 得賢刊 有 為 元 祀 恪 恪 士 衡 紙 樹 士 訛 陸 本 檖 並 衡 士 詩 元恪 有 衡 誤 乃 六 陸 訛 攷 今 駮 攺 作 謂 機 乃 字 £ 按 今 IE





校 校 覆 腃 對 腾 對 校 鍒 釬 官 官 官 監 贡 檢 編 助 生 生 討 修 教 臣 臣 Ē 臣 臣 部 王 I 未 呉 棣 福 省 依

唐

崩

詔

灰

銀定四庫全書着要 經部 經部

詳校官原任侍講是慈緒

沮之從天子之所瞻彼中原其祁孔有應應表騙 欽定四庫全書薈要卷八百八十二 或犀或友悉率左右以燕天子既張我弓既挾我矢 吉日美宣王田也能慎微接下無不自盡以奉其上 E e 詩集解卷二十二 犯殪於計此大兕後 以御賓客且以酌醴 ,維戊旣伯旣禱田車旣好四牡孔阜升彼大阜 配吉日庚午既差我馬獸之所同處 鹿慶 5 2 day | 100/ 毛詩李黃集解 李樗黄種 經部 俟

吉日維戊旣伯旣禱吉日庚午旣差我馬慎微也以 莫不備盡其誠心以奉上也此皆據此詩中而言如 左右以燕天子無不自盡以奉其上也戊者剛日也 御賓客且以酌體接下也添沮之從天子之所悉率 此說非也既伯既禱爾雅曰既伯既禱馬祭也故毛 剛柔馬有北牡將乗出馬故選用剛日故言維戊也 日之吉也外事用剛故選以剛日之吉孔氏曰日有 李白問宣王既慎於細微之事又能以禮接於臣下 乊 月日で 卷二十一

MANAGEMENT OF THE STATE OF THE

皆所謂慎微也其田獵之車既好矣其四壮又威大 孫炎曰龍為天馬蓋房星是天腳則馬祖者是房星 社冬祭馬步注曰馬祖天駟而孝經說曰房為龍馬 矣王於是来之升彼大陵之上以從逐其禪配也鄭 氏亦以伯為馬祖周禮春祭馬祖夏祭先牧秋祭馬 以為醜衆也蘇氏以為類亦是衆之意爾雅曰根 用馬之力以田獵故禱於馬祖以求馬之壯健馬 伯既禱者言於馬祖之處而祈禱馬宣王之田 二十年天美

一 新定四庫全書 選戊午之剛日以禱馬又選庚午以擇馬差擇也獸 類此言從其產聰以見其禱馬之效也吉日庚午旣 棘配為桑柳配係叔椒配於桃李配核皆是以配為 亦本於爾雅蘇氏則從毛氏之就王氏則從鄭氏之 之所同同聚也言獸之所聚則有應應之麋屬衆多 言然按其文勢當從毛氏之說說玄於此作從口從 氏日廣壮日廣廣復慶言多也鄭氏所謂廣北日慶 也應說文爾雅以為鹿之牝也屢虞毛氏曰衆多也鄭

漆沮在涇水之東一名洛水與詩古公自土沮漆者 虞言相聚也其字雖不同其意與毛氏同漆沮之從 于涇又東過漆沮即此漆沮是也故孔氏正義以 天子之所言此獸乃自漆沮之水驅之以至天子之 州之地又非河南之洛也瞻彼中原其祁孔有言視 所也添沮水名也禹貢所謂導渭自鳥鼠同穴東會 彼中原之地禽獸大而且有孔氏於添沮之從云上 也此漆沮正周禮職方氏所謂雅州其浸渭洛雅 毛持李黄集解

職之詩所謂奉時辰壮之意同旣逐獸矣於是張弓 獸之所在驅逐之事以相發明也應應說文曰行貌 獸者悉皆率之以進或左或右以無天子也乃與駒 或犀或友言其或三而成犀或雨而成友於是從禽 俟俟說文曰大也言其行而應應又且大而俟俟 言乗車升大阜下言獸在中原此言驅之添沮皆見 死咒爾雅曰似牛一角青色重十斤此獲禽獸者 天而射之發矢而中彼小配又殺此大門殪壹發

鼓定四庫全書 |

當是時如命相如擇賢錫諸侯如遣使者皆國家大 盖事之小者猶能如此則其大事可知也宣王中與 多如此而乃留意於祭馬祖者疑若區區於細務也 所謂大庖不盈也天子之務一日二日萬幾其事之 所謂以御賓客且以酌體也三曰充君之危即車攻 王事體命之有事之有禮是天子之飲酒也夫田雅 且以御實客而酌體也變體天子之飲酒也左氏曰 日乾豆二日賓客三日充君之庖二日賓客即此 己寺李章原拜

事亦有所不暇馬故以吉日之詩觀之則可以見宣 就業業雖小事而必慎及其怠則心驕而意侈雖大 福馬者宜其無所不慎矣及其末年則籍田之禮可 王之勤於治故詩人作此古日之詩蓋以見宣王之 言賢者退而躬處不得其所事之大者猶如此則其 事無所不盡其善蓋事之小者猶如此則事之大於 行而不行料民之舉不可行而行如白駒黄馬之詩 定匹庫全書 | 細事可知矣人之勤怠不同如此方其勤於始也兢

能謹微接下則無所不謹也吾於謹微之二字而見 天下之事謹其小夫觀人者當於其微者觀之宣王 則不足以為修德之至故小毖言嗣王求助而注曰 黄曰細行之不矜則足以為大德之累小物之不勤 陰陽既适且陋遂使詩人之意寝失可勝歎也 慎微也如異奉之說日南方之情惡也惡行廉貞寅 午主之西方之情喜也喜行寬大已酉主之二陽並 行是以王者吉午酉也詩曰吉日庚午以其說徇於

欽定四庫全書 者謹其平日之所為予以為此序如天保之序天保 微者豈獨此一事乎作詩者述其一時之事而作序 宣王之小心如文王使其能謹然猶始則尚安得有 下也夫十吉日祭馬祖皆田獵之常事宣王所以謹 又為擇其吉日此謹微也以御買客且以酌體此接 下報上之詩也而曰君能下下以成其政吉日奉臣 無所見說者乃以為將用馬力而先為之禱祭馬祖 白駒黃鳥之刺也哉然謹微接下質於今日之詩而

鴻鴈之什計訓傳第十八 鴻鴈子飛肅肅其羽之子于征劬勞于野爰及於人哀 鴻馬美宣王也萬民離散不安其居而能勞力報來 大 一鰥寡鴻鴈于飛集于中澤之子于垣者百堵皆作雖 Au) on wat do dula | W 還定安集之至于於古 原無不得其所馬 的勞其完安宅鴻馬于飛衣鳴松松五刀 從宣王田獵之詩也而曰謹微接下學者當於言外 之意求之 毛詩李黄集解

謂我劬勞維彼愚人謂我宣驕 思天下之民匹夫匹婦不被其澤若推而納之溝中 政必本於此如文王之發政施仁必先於鰥寡孤獨 始能勞之來之還定之安集之至于於寡無不得其 **売獨盖言表亂之世富者猶可而貧者尤可良故為** 之四者則宣王之中與亦豈外是哉伊尹之相湯也 所則足以見天下之無窮民也詩云哿矣富人良此 李曰厲王之世政荒民散民皆不得其所宣王中與 卷二十二 此可憐之人則以鰥寡為甚良也鴻鴈子飛集子中 使臣处行於邦國如鴻應之飛集於野以見思意及 歐陽公不從其說以為上下文不相貫遂謂遣使奔 氏亦以鴻雁比使臣其就比於鄭氏為優此章盖言 走於外如鴻馬之飛其羽聲肅肅然而勞其體也王 鴻鴈知避陰陽寒暑與者喻民知去無道而就有道 其所然後可以為中與之盛也大曰鴻小曰鴈鄭曰 匹夫匹婦無不被其澤然後為之至故鰥寡無不得

欽定四庫全書 堵皆同時而起言題事也堵者五版為堵也雖則的 怨以生道殺民雖死不怨殺者人之所甚憚者有二 與役動衆而為驕奢也孟子曰以供道使民雖勞不 命安集流民而不憚劬勞矣愚人不知我者謂我好 整為使臣之自訴其自訴云哲人知我者謂我以君 安居完窮也鴻為于飛哀鳴替替歐陽公以哀鳴替 勞其完安官計為民興築也民固勞病而其終又有 澤此言使臣既至招還流民為之與築其垣墉而百 毛記李黃集節

即異墓宿州縣威福便行驅迎郵傳折辱守军公私 用人者當求其後效也後世之使臣朝辭禁門情態 究安宅自其始之勞民而言宜若使臣宣驕自其終 土功若靈臺之詩樂趨乎征役若出車之詩者蓋知 日土功也日征役也先王之世乃能使斯民樂趨於 於干戈之事者乃其所以生我也故曰雖則劬勞其 上之人勞我以土功之事者乃其所以安我也驅我 之安宅而言則謂使臣如是之劬勞而其終乃安蓋 色涛李黃集解

者也文王發政施仁必先斯四者故克之治必至於 黄日孟子日老而無妻日鰥老而無夫日寡老而無 使臣奚有是哉 民而至於鰥寡無不得所詩人所以深美欺鴻寫 匹夫匹婦無不被其澤而後為無愧宣王安離散之 不虐無告不廢国窮而後為極治伊尹之相湯必欲 子曰獨幼而無父曰孤此四者天下之窮民而無告 煩擾民不聊生如此之類然後可以謂之宣驕鴻應 **鱼定四库全書**

此可哀之矜寡鴻應之飛而集乎中澤則為得地民 其居而征行也其力的勞宣王於此可於之人而哀 **應陽轉徒初無定居飛集之勞無如鴻應者故詩** 遣使臣之事則先儒之說無乃費辭乎陳少南謂鴻 飛比使臣之勞苦夫此詩之序最為詳悉而初不言 也先儒皆以為宣王遣使奔走於外故以鴻鴈之疾 人以為鴻鴈不安其所而飛也其羽急疾民之不安 詩蓋美宣王勞來其民而流離散徒者令得其所居 毛詩李黃集解

安居之業若彼愚人之不恤我者則命我以官室臺 斯民從之以營官室之事百堵皆與而藝鼓弗勝衛 民雖勞不怨此章以為維此哲人命我以的勞而成 鴻為集于中澤之時也其末章則見宣王以逸道使 為狄所滅之後文公徒居楚立始建城市而營官室 之歸而作室則為得所書曰彭蟊旣猪陽鳥攸居是 可謂勞矣而斯民皆樂為用蓋以為彼之勞我者所 淫侈之事而己子請從少南就曾觀大王遷岐而

鈁

定匹库全 書

卷二十二

唬唬^{好會}夜如何其夜鄉母· 晨庭燎有輝君子至止 **庭燎美宣王也因以箴远《之** *夜如何其夜未父庭燎昕昕之世君子至止寶 如何其夜未央於良庭燎之光君子至止驚聲將將 王又日因以箴之也箴以救王之失如醫者之治疾 李曰夫宣王勤於政事又以箴其太過故此詩美宣 以安我也鴻鴈卒章亦是此意

たこり

10 1. 1. 15 W

毛持李黃集解

詩美襄公又日因以勸戒之常武之詩旣曰美宣王 設庭燎也至於末章又日夜鄉晨言又不能於夜鄉 也故二章則曰夜未艾言己不能於夜未艾之時而 美之中又有箴也盖詩之不可一體而求如終南之 之中又有美也此詩既言美宣王又日因以箴之是 也曾觀於詩如氓之詩日刺淫決又日美反正是刺 何其夜未央此一章美宣王之甚勤然終不可以久 又日因以為戒是美之中又有戒也正此之類夜如

光言夜未央之時已設庭燎而有光矣庭燎者設百 從王蘇程之說夜未央未文皆言其尚早也庭僚之 設庭燎則其勤可知也未艾毛氏曰久也王氏則以 其聽朝之時則問日夜如何其當夜未央之時而已 晨之時而設庭原也夜如何其夜未央宣王之始也 為夜未及盡也蘇氏則以為將盡程氏則以為向盡 何為一世無道國未艾也注曰絕也則艾為盡意當 如王氏蘇氏則又為文字按左傳昭元年秦后子曰

欽定四庫全書 燎於庭待諸侯也周禮司垣氏曰邦之大事供墳燭 晰晰明也噦噦毛氏曰徐行有節也比蓋言宣王之 用百盖天子之制如此將將鸞鈴之聲君子指諸侯 桓公庭燎之百為僭天子之禮則知古者之設庭燎 姓曰庭燎之百由齊桓公始注云僭天子也惟其齊 庭燎注云樹於門外日大燭樹於門內日庭燎郊特 也言設庭燎之時諸侯皆至故聞其將将之聽聲也 勤待諸侯皆至故聞其赋喊之聲如此然終不可久 卷二十二十二月

寢門闢矣威服將朝尚早坐而假寐魔退而歎曰不 矣然不可以為常也晉靈公將使鋤麂殺趙盾晨往 朝必在於平旦之時也未旦之時而朝其志可謂勤論曰孔子曰君昧爽風與而正其衣冠平旦視朝視 未央之時而視朝諸侯之至但聞其驚聲而不見其 於今則既晚而朝故可以見其於矣 也於其終向晨而朝馬晨晚也向晨而朝禮之正也 光也言觀其於則天既晚矣故見其於也向者夜 三十一一一一天平

欽定四庫全書 盖猶愈於日晏視朝也然常人之情多銳於始而怠 至則於未央之時而設庭燎亦不害其為勤也何者 忘恭敬民之主也夫威服而朝雖早不失為恭敬之 总矣然則君子之所行當以守常為貴 用視朝之常禮銳意太過而其終必不能守常而將 其進銳者其退速此常人所不能免也今宣王不能 於終走者之疾不二里而止行者之遲千里而不止 黄曰周公思兼三王而坐以待旦孔子好學而終夜

沔水規宣王也 事者能之晋靈公使鋤魔殺趙盾盾威服將朝尚蚤 坐而假寐愿退而歎曰不忘恭敬民之主也然則宣 詩人愛君之深而全君於無過之地故曰美而箴之 王之勤美之可也而又奚箴曰應其有始而無終也 始曰未央中曰未艾終曰鄉晨其意微矣 天下之理其追銳者其退速而過於勤者必繼以怠 不寢宵衣旰食人君所難而早朝晏罷者惟勤於政 毛涛李黄集解 +

飛隼載飛載揚念彼不蹟載起載行心之憂矣不可拜 沔彼流水朝宗于海歇彼飛隼載飛載止嗟我兄弟邦 忘歇彼飛年率被中陵民之記言寧莫之懲我友敬矣 人諸友莫肯念亂誰無父母沔彼流水其流湯湯歇彼 李曰規者正員之器作此詩以救正其君亦猶規之 喻言沔馬流滿之水當盡朝於海喻天下之諸侯當 正員也河毛氏日水流滿也飲疾也此皆詩人之取

欽

定四庫全書

たこりを 盡朝於天子令則不然如歇彼之飛隼載飛載止飛 諸友謂異姓之諸侯也鄭氏曰我同姓異姓之諸侯 侯有離散者嗟我兄弟兄弟謂同姓之諸侯也邦, 以喻其來止以喻其不來其來不來如此則以見諸 箋傳乃是刺諸侯驕恣不朝及妄相侵伐等事了不 沔水規宣王也則是規正宣王之過失今考詩文及 母乎言皆生於父母也歐陽公不取其說以謂序言 汝自恣聽不朝無肯念此於禮法為亂者汝誰無父 J. 1.5 101 毛詩李黄集解

諸侯雖不念王室之亂然誰非父母所生謂人人皆 是歸罪於諸侯故當從歐氏之說言此同姓異姓之 及宣王也蓋箋注未得詩人之本義爾如蘇氏說亦 彼流水其流湯湯毛氏曰放縱無所入也王氏以湯 湯湯亦是其流赴海之意與上章同載飛載揚亦是 湯為無所歸皆未得見詩人之本意孔氏日水非徒 知親親之思又規王若以思德懷之則皆親附矣沔 不入於海又不注大川亦傳會其說恐非也蓋其流

憂而不可忘也此亦是作詩者憂之歐陽以為諸侯 起載行為諸侯妄與師出兵非也不可弭忘言心之 率彼中陵竊以此詩而詳觀之蓋是當時諸侯有朝 有不朝者如第二章言念彼不蹟則是不朝也如此 忘者又規王以不忘懷來之也此亦非也飲彼飛隼 不循王之法度王念之載起載行而不安居不可弭 一載起載行言其起居之不忘也弭止也鄭氏以載 毛涛季黄集解

無所止也蹟循也言念諸侯不循我之法度我心憂

言歌彼飛隼率彼中陵則是朝王也言諸侯之循法 興言諸侯敬王如此讒言其興可信乎 民之訛言寧莫之懲言當懲之也我友敬矣讒言其 度亦猶飛隼之率中陵也不可以讒之故而遂疎之 定四庫全書/ 論曰如車攻之詩曰復會諸侯於東都則是厲王之 世不能會諸侯而宣王中與乃能會之也宣王之始 不至之罪必有以致之者宣王當以始之時而思之 會諸侯必有以致之也至於此乃不能會之雖諸侯

金金

Èİζ 定日車全書 侯之會者十八百國諸侯之於君豈有不朝之理哉 黃曰禹會諸侯於塗山執玉帛者萬國武王之與諸 侯不朝西齊獨朝之周乃怒之則不朝者得以為辭 水之必朝於海猶諸侯之必朝於君厲王無道而諸 以不可不規之也 矣令朝宣王者既困於讒言則不朝亦有辭矣此所 率諸侯以朝周威烈王崩齊後往周王怒之是時諸 始也能朝諸侯而終也不能必有以也如齊威王當 毛詩李黃集解

諸侯中山王來朝上置酒王聞樂聲而泣上問其故 詩人作詩以正之馬如漢景帝時七國反不得已而 詩人之意亦欲宣王無念前日諸侯不朝之罪而遠 殺晁錯至武帝時大臣議者多冤晁錯之策務推抑 責之也盍亦自反而已 具以吏所侵聞於是乃厚諸侯之禮加親親之思馬 王銳於責治以法律御下而洪人之度有所未優故

侯不朝宣王中與而諸侯又執玉帛而至矣竊意宣

聲聞于天魚在于渚或潜在淵樂彼之園爰有樹檀其 |爰有樹檀其下維擇他山之后可以為錯鶴鳴于九皇 鶴鳴于九阜聲聞于野魚潛在淵或在于渚樂彼之 -維穀他山之石可以攻玉 此言盖以見規誨之義然以求賢為教所未知則不 李白正義曰規謂正其已失誨謂教其所未知孔氏 可宣王之始固當任賢使能矣至其末年寝不克終 毛詩李黃集解

飲定日車全書

矣詩人之意蓋以宣王之心不能慎終如始日復 故好賢之心少怠宣王非不能求賢也特其心己弛 其下便序已意者如鴻應于飛肅肅其羽之子于征 詩之體不一有以首章一句皆以鳥獸草木取與而 劬勞于野先言濕寫于飛取與也後言之子于征序 又誨之誨之者教之也不必以教其所未知為言也 日恐入於大患故箴之未已而又規之規之未已而 已意也如此之類可以易求詩人之意有連四句皆

ż 意以流水喻諸侯之朝王以飛隼喻諸侯之不來則 載飛載止前既言沔彼流水次又言歇彼飛隼而 2) 其為朝王之說也至於鶴鳴之二章十八句皆是取 其詩意似難晓矣然其詩皆言朝王之事故可以知 所以為滑也然而不能運方穿則答之以為何如又 興殊無一句推序己意故其詩最為難晓其詩者正 以鳥獸草木取與如沔彼流水朝宗于海歇彼飛隼 如淳于鼠與弱忌子之相與答問其問曰稀膏棘 1. 11. 10V 毛詩李黄集解

往 載之下可謂難矣觀諸儒之說此詩毛鄭則專以求 答之以為何如又問私表雖做不可以補英狗之皮 問日弓膠漆幹所以為合也然而不能傳合疏罅則 賢之事王氏則謂旣誨王以修身又誨王以致人又 則答之以為何如則古人之詩而欲以私意求之干 中分為四意今此詩旣不明序己意難以斷其是非 **誨王以尚賢辯不肖又誨王取於人以為善一詩之** 今且從毛氏之就也專澤也鶴鳴于九車聲聞于野 世屋石雪 卷二十 CONTRACTOR CONTRACTOR IN THE SERVICE OF THE SERVICE

傅說幸野之中不可以求伊尹爾魚踏在淵或在于 譬賢者之野處而聲譽振於中外也王者無謂隱而 賢者在治則見在亂則隱惟在人君之如何耳不可 渚此言魚之性無常寒則藏於淵温則見于渚譬如 振於京師古之君子身雖隱矣而名未有不著者若 難求也盖物無隱而不彰事無微而不若有其實者 以其身之隱遂不求而弃之則版築之下不可以求 必隨之谷口鄭子真不屈其志耕於嚴石之下名 معلم عليد معلم الد معلم

用才大才則大用之而待之以不次之位小才則 定四庫全書 有以賤理貴以配化好者矣智者弃短取長以致甘 可以為錯也錯說文日礪石也言石之至賤而可 之而以次還之馬言無所不用也他山之石至賤 其上有檀而下有釋木小大各當其任譬人君之 知之也樂彼之國爰有樹檀盖言人之樂於園者 王世未有無用之物也人才亦猶是也漢王行 石洗金 以鹽濯錦以魚院衣以灰夫物 古

欽

臣逍遥遊燕而大夫去之昭公好奢而君子去之孔 暗室屋漏之際或失一節而賢者不為之用槍之君 擇臣臣亦擇君君不能修身以格物審好惡以表俗 賢而因誨之以修身之說二者一說也古者非惟君 用賢也或曰誨其修身也予以為詩人責宣王之用 言所以海宣王之事是以說者無所底止或曰海其 黃日鶴鳴一詩說者不一盖其序特言海宣王而不 力正此詩之謂也下章之意亦與上意同穀楮木也

鉱 皐聲聞于天戒宣王謂天下之理未有隱而不顯微 子之行非謂婚肉也為女樂也故詩人以鶴鳴于九 定四庫全書 一 他山之石可以為錯他山之石可以攻玉此詩人自 以如魚之潛躍園之有草木者以為骱至其終則曰 不善則千里之外違之吾君勿謂官聞之秘門校之 而不彰者君子居其室出其言善則十里之外應之 而田野之間不聞知也此亦如鼓鐘子宫聲聞于 之意其下則言賢者之去就視其君之賢否故復

有母之尸饔 爪士胡轉子子恤靡所底止祈父亶不聰胡轉子于恤 祈父于王之爪牙胡轉子于恤靡所止居祈父予王之 賢同意也 豈不足以為君之海乎當觀中庸之書必始於謹獨 謂也他山之石可以錯利器可以攻美玉則吾之言 父前刺宣王也 之學親親辱賢之道自修身始然後知此詩修身用 一年十岁長年

欽定四庫全書 器 深怨宣王之時司馬不得其人以至於敗故責司馬 招之詩杜元凱注曰謀父周卿士祈父周司馬世掌 用酒語若疇圻父之圻字則知鄭氏之說有據謂之 甲兵之職則祈父周司馬明矣此詩蓋言六軍之士 析父者掌封圻甲兵也昭公十二年祭公謀父作祈 父按左傳襄十六年移叔見中行獻子賦圻父其字 李曰毛氏曰祈父司馬也鄭氏遂引尚書曰若疇圻 之辭曰祈父我乃王之爪牙之士何為貽我憂恤使

欽定四庫全書 父陳饌食之具自傷不孝於親也 使我轉於憂恤之地不得以養其父母乃令其母為 衛之士也底止也左氏曰天祚明德有所底止亦是 使我敗於邾敗於邦而責臧紀則此敗而責祈父明 有所止也會誠也祈父會不聽言祈父誠不聽慧矣 論曰此詩之意正如曹人敗於孤點國人誦之曰藏 之孤丧敗我於孤船我君小子侏儒是使侏儒侏儒 毛詩李黃集解 主

我無所止居乎爪士爪牙之士也盖此皆是王者宿

皎皎白駒食我場苗繁及之維之以水今朝所謂伊 白駒大夫刺宣王也 罪而任用祈父者亦不能無罪正如敗於邦者侏儒 罪詩人乃以責祈父者蓋謂祈父不稱其職固為可 墟先儒引此以證是詩夫敗于姜氏之墟者宣王之 矣按國語曰三十九年宣王戰于千畝敗于姜氏之 序以為剌宣王也 一罪而侏儒是使者亦不能無罪故詩中責祈父而 黃講闕

空谷生勞及其一東其人如王母無金玉爾音而有退 今夕所謂伊人於馬嘉客皎皎白駒貢及義然來思爾 公爾侯逸豫無期惧爾優游勉爾追思皎皎白駒在彼 חוו ס ווחו לו אוח וויו 李曰馬五尺以上為駒皎皎潔白也繁說文曰絆馬 而去者以白駒為賢人之所乗恐未必然王氏曰 維繫也毛氏曰宣王之末不能用賢賢者有乗白 毛詩李黃集解

r

人於馬逍遥皎皎白駒食我場霍处事繁之维之以水

皎皎白駒食我場中之苗我當繁維而留之且以水 賢可致治則所謂以水令朝者果何補哉盖國人欲 蓋言宣王之時賢者有不得志而去國人欲留之日 皎皎白駒以況其潔白之賢人此言為當但其下繼 今朝也言賢者尚肯食君之禄我當留之且以延朝 如孔子為政七日而誅少正卯其功大矣然亦必用 夕也賢者之用於朝其所施設便可以慰國人之望 之日馬臣道也為其未繁維也故稱駒馬此則鑿矣

欽定四庫全書 當從程氏之說皎皎白駒欲其貢然光彩而來也爾 以為黄白色王氏以為賣奔程氏以為賣然光彩貌 上客也亦欲為嘉客於此而已貢毛氏以為飾鄭氏 此而已霍亦苗也夕亦朝也此皆是上章之意嘉客 猶愈於去耳此說亦非詩人之意但欲賢者逍遥於 嘉客則此說為難行蘇氏曰逍遥不事事也雖逍遥 氏日今於何遊息乎此說於馬逍遥則可下章於馬 留之而不可得故其醉如此所謂伊人於馬逍遙鄭 毛詩李黃集解 二十四

選此章則以優游為戒也勉爾通思思者助語也程 賢者不肯留乃相戒以優游逍遥也上章則欲其追 才者逸樂於山野之中而無還期也慎爾優游蓋言 然詩人之意蓋謂賢者為公侯以其有王佐之才也 氏以道思為思其肥道皆過為之就也盖賢者相勉 也其意以為公侯之尊可得逸豫若非公侯無逸豫 公爾侯毛氏曰爾公邪爾侯邪何為逸樂無期以反 理此說為陋王氏曰言我遇賢人之舒也亦未必

九三日巨白号 100g 告之曰無惜爾音信當有音信通其好而無遠我之 雖貧賤而其德可實也旣不可留猶欲聞其音問故 被空谷甘於生易然其人乃如玉之潔也盖言賢者 選心上章 既言賢者不可得而留無可奈何但欲其 者此章則言賢者不可得而留也皎皎白駒至而有 無惜音信耳言賢者如皎皎之白駒不肯食場苗在 以通去於山野中也自愛之辭也盖上章既言留賢 毛詩李黃集解 二十五

遇不逢時則翕然而去國人雖欲留之不可得也接 聞有道之主則相率而自來何待於繁維之哉惟其 聞文王作與曰盖歸乎來夫賢者之仕非不汲汲也 濱聞文王作與曰盖歸乎來怕夷辟紂居北海之濱 甘心於貧賤者必不得已也太公辟紂往居東海之 良而志得食君場苗塞驢長軒其在空谷生努一 論曰黃魯直太史當曰飛黃騄耳之駒一秣千里御 知場穀之美也賢者宣不知為不美於場苗哉然

黃鳥黃鳥無集子穀無啄我栗此邦之人不我肯殼言 黃鳥刺宣王也 之人不可與明言旋言歸復我諸兄黃鳥黃鳥無集于 旋言歸復我邦族黃鳥黃鳥無集于桑無啄我深此邦 飲定四庫全書 非固拒之也是必有大不忧者不能奪其情也故人 子之手擦執子之裾擦執子之袂猶且不能留賢者 君不可不慎也 淅而行猶以為緩也況欲留之哉遵大路之詩旅 毛詩李黃集解 テ六

諸父 相及前無啄我泰此邦之人不可與處言旋言歸復我 我果亦猶告賢者曰不得立王之朝而食君之禄則 李曰黃鳥之詩無序故說者不同毛氏則以為室家 者之所欲也今告之日黃鳥黃鳥不得集我穀而啄 栗者黃鳥之所欲也亦猶仕於王朝而食君之禄賢 相去之詩王氏蘇氏則以為賢者不得志而去之詩 今考其文王蘇之說為優當從其說集說集毅而啄

灾至日事 在 書 其道且如方枘圓鑿之不相入安能講明國事而同 者亦遠追而去之以為此邦之人不我肯穀也穀禄 國之族馬黃鳥黃鳥無集于桑無啄我梁亦同上意 其記記然聲音顏色拒人於十里之外可見矣故賢 也與邦有道穀之穀同言不肯待我以爵禄也旣不 不可與明言其不可與之明言也不可與處言其不 以爵禄待我則當必有去志矣故不遠言歸而復反 可與之同處也夫賢者難進易退上既有拒我之心 毛詩季黃集解

處哉 既不聽則小人乗閒而用事矣故觀祈父之詩則司 虎或征蠻判或代玁犹或平淮夷至其晚年怠心一 甫如韓侯或為將相或為諸侯如方叔如吉甫如召 馬非其人矣小人旣在位則賢者必不得志矣故白 生好賢之心沒懈如山南號文公之徒諫既不行言 立於王之朝矣宣王之始也任賢使能如申伯如山 論曰孟子曰尊賢使能俊傑在位則天下之士皆願

卷二十二

我行其野刺宣王也 とこり こうしい 關茸之徒無復有賢者矣以是觀之宣王明皇所為 改其始而較其終其不同如此則知中與之君其處 與處則宣王之晚節較其昔日用賢之時固己霄寒 矣唐明皇即位之初姚崇宋璟用事一時人才謁然 殿之詩留賢者而不肯留黃鳥之詩處賢者而不可 而至及其晚節末路李林甫用事而在朝者乃庸回 毛持李黄集解 ニャン

言就爾宿爾不我畜言歸斯復我行其野言采其當福 不思舊姻求爾新特成不以富亦祇以異 不我畜復我邦家我行其野言采其遂夷六昏烟之故 我行其野般弟及其得及皆好之故言就兩居爾 者亦不同鄭氏則以為弃其舊姻相怨之詩蘇氏則 李曰我行其野之詩亦無序不言其刺之之由故說 民不安居而適異邦從其昏烟而不見恤之詩然以 以為甥舅諸侯求為鄉士而不獲之詩王氏則以為 **皮匹厚全書**

是樗木蔽芾然可以蔽風日非始生也樗者不才之 詩中文意及覆而放之鄭氏之說為長詩曰不思舊 絕墨其小枝卷曲不中規矩立之路旁匠者不顧 木也莊子曰吾有大樹人謂之樗其大枝擁腫不中 蔽 为人樹之敬 前能蔽風日也此言蔽前其樗亦 甘棠以甘棠之木而召伯舎其下則非小木也其曰 之敬芾始生謂仲春之月嫁娶之時甘常詩曰敬芾 姆求爾新特則舎其舊而新是謀其義明甚鄭曰樗

All and had and

毛許手黃其解

二十九

鱼 蔽弟亦可休息今也乃弃於夫家如此則惡木之不 樗乃惡木也蓋言我行於郊野之中雖得惡木然其 惟得被芾然樗之惡木據下章言采其遂方是采可 **定四月全き** 樗惡木也尚可庇而息此說為長昼姻之故言就爾 食之家上章言蔽节其樗則非取可采為義王氏曰 之不如也孔氏日有人言我行適於野采可食之菜 如也遂惡菜也陸元恪曰令人謂之羊蹄苗亦惡菜 也以惡菜猶可采而食而今夫家弃我如此則惡菜 卷二十二

钦定四車全書 當從蘇氏之訓而兼用鄭氏之義柏舟曰疑彼而是 夏維我特特匹也言共伯乃共姜之匹與此詩求爾 蘇氏以為匹字得之矣而曰大臣君之匹則非詩人 蘇氏日特匹也大臣君之匹也徐氏之說固不足取 唇也鄭氏日新外唇特來之女也徐氏特言其寡與 宿盖言本以昏姻之故是以就爾居而為室家令也 乃不我畜必當復反之於邦家而己新特毛氏日外 之本意鄭氏以為新外最持來之女則又失之矣今 毛詩李黃集解

情乎弘曰臣聞貧賤之知不可忘糟糠之妻不下堂 論口漢光武嘗欲以湖陽公主妻宋弘後召見弘帝 以為富適足以為異也 弃其舊姻之貧惟富者之求雖曰求其新特誠不足 字作誠則知成字當從言也求爾新特盖其當時必 令公主坐屏風後因謂弘曰諺言貴易交富易妻人 新匹之匹同則是舎其舊而圖其新失夫婦之道可 知成不以富成當作誠字誠信之誠論語舉此詩其

亦庶幾馬及其此心一怠至於王化寝微賢者退處 至用賢之志惟恐其不及雖未及文武成康之藏蓋 馬讀六月松高雲漢之詩觀其爱民之心惟恐其不 詩人之作如文武成康之詩有美詩而無刺詩幽厲 富者又不足以為富而乃安然為之蓋亦未之思也 始勤終怠一人之身所為若二人故美刺之詩兼備 之詩有刺詩而無美詩惟宣王之詩美刺兼備蓋其

使人人而知糟糠之妻不下堂則何以富為哉况其

新定四庫全書/ 李适仲黃實夫毛詩集解卷二十二 衰世之所當然而中與之主乃爾然後知人君之用 詩乃谷風之時也而宣王我行其野之詩類之此皆 心不可一日而自解自弃也 黃講嗣 也而宣王白駒黄鳥之詩類之室家相弃如谷風之 王師傷敗如免爰之詩乃免爰之時也而宣王祈父 之詩類之賢能退處如遵大路之詩乃遵大路之時